

# Txirritola

ARAMAIO / Barikua / 2002ko ekainaren 21a / 30. zenbakia

KOORDINATZAILEA: Ubane Madera • Otalora Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com

## Greba dela-eta, osoko bilkura martitzenean

UBANE MADERA

Eguazteneko grebaren ondorioz, martitzenera aurreratu dute oraingo astean osoko bilkura. Gai gutxi zituen Udalbatzarrak lantzeko.

Horien artean, Hirigintza eta Lan batzordeburu Bixente Mondragonek zinegotzi kargua utzi behar duela eman zuten aditzera. EAJ-ko zinegotziak arrazoi pertsonalengatik erabaki du hori.

Horrekin batera, ohikoa den moduan, alkatearen dekretuak ere izan zituzten berbagai. Baita San Martin Eskola ere; izan ere, eskolaren beharrak kontuan hartuta, berritze lanak egiteko aurreproiektua idatzi du Udaleko Hirigintza Sailak. Besteak beste, eskolako berogailu sistema aldatzea komeni da; orain, gasolio bidezkoa dute eta gas bidezko sistema jarri gura dute. Saneamenduan ere hobekuntzak egitea komeni



UBANE MADERA

Berogailu sisteman aldaketak eta saneamenduan konponketak behar dira eskolan.

da, eta eskolarako ekipamenduak ipini gura dituzte (kulunkak, eta abar). Lan horietarako, ia 85 mila euro behar direla zehaztu dute. Baina Udalak ez du horretarako dirurik. Orain, Jaurlaritzak horrelakoetarako dirulaguntzak


atera dituela-eta, laguntza horiek eskatzeko aukera onartu edo ez erabaki behar zuten bilkuran.

Edozelan ere, albistea idaztean batzarra egin barik zegoen; hortaz, ez dago jakiterik zer erabaki duen Udalbatzarrak.



## Olioak eta tailak ikusgai

Ekainaren 22tik ekainaren 30era arte, Idoia Elexpururen olio-en eta Jose Ugarteren tailen erakusketa egongo da Sastiñan. Aste barruan, 18:30etik 20:30era arte egongo da zabalik eta domeketan, arratsaldeaz gain, eguerdian ere zabalduko dute.



# Danona

KARROZERIAK

Konponketak  
txapa eta pintura

Musakola auzoa, 15 • ARRASATE • Tel.: 943 79 58 06



# ALDEDI

MARKO-JARTZEAK

Biteri, 8 • ARRASATE

Tel.: 943 79 13 05 • Faxa: 943 79 13 84

**TELEFONO JAKINGARRIAK**

**OSASUNA / LARRIALDIAK**

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
12:00	12:15	13:00
15:20	15:35	16:20
20:30	20:45	

GASTEIZ	ARAMAIO	ARRASATE
08:30	09:15	09:30
13:10	13:50	14:05
	17:00	17:15
19:30	20:15	20:30

**OHARRAK**

**ARAMAIO HABE-N**  
Helduen Alfabetatze eta Berreuskalduntzerako Erakundeak (HABE) ateratzen duen *Habe* aldizkarian Aramaioaren gaineko artikulua dago ekaineko alean, euskalkieie eskainitako tartean. Herriko eta inguruko datu orokorrak emateaz bat, Anbotoko Dama ere berba-gai dute. Horrekin batera, Ibon Egañak herriko euskararen zenbait bereizgarri ematen ditu. Informazio gehiago gura duenaren-dako web helbide bat dakar: [habe.org/ikaslearengunea](http://habe.org/ikaslearengunea)

**BOTEPRONTOAN/ Mikel Arantzabal · Txirritola Euskara Elkarteko presidentea**

*“Dakienak euskaraz egin behar du kalean, lotsa barik eta beldur barik, eta berak dakien euskara”*

**T**xirritola Euskara Elkartea da oraingo asteko gure protagonista. Eta elkarrekin batera, Mikel Arantzabal, elkar-teko presidentea. Txirritolaren sortzaileetako bat izan zen Mikel, euskararen egoerarekin kezka-tuta. Besteak beste, Txirritola-ren gainean esan beharra dago euskara elkarteak eman diola gure aldizkariari izena eta, neu-ri handi baten, izana:

**Noiz sortu zen elkartea?**  
Orain dela urte bi, martxoan.

**Zelan sortu zen?**  
Herrian euskararen erabilera ez zen oso handia, edo kalean, behintzat, ez zuten askorik erabiltzen. Apur bat indartzeko asmoarekin sortu zen Txirritola. Hiru bat batzar egin genituen udaletxean eta dozena bat lagun-edo batu ginen. Handik, sei laguneko batzorde bat irten zen. Ni presidente izendatu ninduten, eta hortxe gabilta.

**Igartzen duzue elkartearen eraginik herrian?**  
Guk ez dugu inkestarik edo horrelakorik egin, eta hori neurtzea ez da samurra, gu ez gara gai aldaketarik egon den neurtzeko. Baina bai, konturatu garena da Txirritola oso ondo jausi dela herrian, guztiek ezagutzen dutela zer den eta antolatzen dugun ekintza antolatzen dugula ere, jendeak esaten du: “Txirritolak zera antolatu du...”. Hortaz, uste dut baduela eragina. Horrek



esan gura du jendea sartu dela, eta ondo sartu, gainera; hortaz, pentsatzen dut hori onerako izango dela.

**Ekintzak aipatu dituzu; zer antolatzen duzue?**  
Gure erronketako bat da hilean behin, gutxienez, ekintza bat antolatzea: berbaldia, antzerkia... Edozer. Oraingo,

horrekin gabilta.

**Lehen aipatu duzu euskararen egoera ez dela oso pozgarria Aramaion...**  
Jakin, gehiengo zabalak daki, %85ek-edo. Baina kalean erabiltzeko orduan asko jaisten da. Gure kezka zen jendeak kalean erabiltzea. Azken baten, hori da helburua: jendeak,


*“Aurtengo jaietan ere Txirritolinpiadak antolatzeko asmoa dugu”*

dakienak, egin dezala. Ondo badaki, gaizki badaki ere, euskaraz egin dezala.

**Uste duzu epe luzera onera joko duela egoerak?**  
Lehenengo egunean, egunkaria irakurrita geldialdian gaudela ikusi nuen eta hori kezkatzekoa da. Euskara elkarte, ikastola eta gainerako guztiak elkarrekin joanda ere, uste dut nahiko lan dagoela oraingoari eusten.

**Jaiak gerturatu ari dira, zer-bait izango duzue gordeta...**  
Herriko parte gara, eta uste dugu jaietan gure parte hartzea ere igarri behar dela. Hori dela eta, iaz, lehenengo aldiz, *Txirritolinpiadak* egin genituen eta sekulako arrakasta izan zuten, gainera. Hortaz, aurtengo ere antolatzeko asmoa dugu, eta jendeak izena ematen badu, ondo irtengo dela espero dugu.


**Zerbait gehitu gura baduzu...**  
Jendea anima dadila, dakienak euskaraz egin behar duela kalean, lotsa barik eta beldur barik. Eta dakien euskara egin dezala, ez da zertan euskara baturik jakin behar, edo beste mota batekoa...



# PUB HAIZEA

**SAN JUAN ZORIONTSUAK IZAN!**

# KONTRATAK IRYROK S.L. ERAIKUNTZAK



Meatzerreka, 5 bis • Apdo. 246  
Tel.: 943 77 09 92 Faxa: 943 - 79 78 14  
ARRASATE